

亦有生齋集

亦有生齋集詩卷第二十六

武進 趙懷玉

古今體詩

上章敦牂

新年五首

吾生六十四三遇歲朝春

癸酉壬辰及今庚午

天地開初景江湖有幸

民相誰參許負卜竟失嚴遵從此餘齡假居然劫外身

鄭廣文環

丙寅在揚州爲予占易課云年止六十三

殘雪虛庭積春來雪又凝寒驚連月久貧覺與年增梅凍難

舒萼池堅未泮冰新年詩興減情味似枯僧

博奕皆非好糟邱差可依那堪歡會少漸覺故人稀傷逝因

聞笛辭喧合掩扉飢驅思復出奈已典征衣

老營昏嫁畢遊尙阻名山屢結塵中網空彫鏡裏顏籌從何

處展境到幾時閒況是含明

肝神字見黃庭內經

崇無繇問九還

盼得和風轉如蘇僵後蠶晴光占甲子豐兆愜丁男世事成  
棋局前開付筆談但求容剝地彌勒好同龕

### 病中口號

避債無臺擁被眠春來又結藥爐緣卽看新歲猶如此便得  
長生亦可憐肺病臥求三尺枕心枯慨想一泓泉情知菴及  
仍虛負悔不辭家早學仙

嘉慶丁卯高郵宋廣文

贈

重宴鹿鳴其子孝廉

茂初

乞詩

補作是篇

國家重鄉舉三載一造士方其入秋榜老少同色喜矧經歲  
月遙身已週甲子豈非邦之瑞固宜大書紀先生人中英靈  
孕甓湖水寓情有梅花摘藻紛霞綺廿四歌鹿鳴意氣曠無  
比爭期致卿相乃以冷官止冲融投金瀨化澤泯涯涘師儒  
道所歸何必羨青紫令子少登科承家看繼起下筆富才調  
循陔絜甘旨往者逢韓溝因悉庭誥美緬維昔丁卯六十年  
彈指先生成名初賤子墮地始我今鬢髮皤君壽可知矣舉  
杯祝同座晚境或相似商山芝草長魯殿靈光歸四海惟梁

侍讀

翁鴻臚

方綱庶幾成鼎峙

挽周左都

興岱

我昔遊長安結交非一塗但取臭味合寧論蹤蹟疎十年返

林泉晚出得左都左都家涪陵秀自岷峩儲門基光累葉庭  
誥承尚書我當識面始卽覺中心輸昏姻旣以締金石冑使  
渝春秋遇佳日饌羞勅中厨更迭作主客聊藉消居諸偶爲  
不平鳴罵座同灌夫子嘗勸少貶萬事毋過拘頗遭衆目側  
幸賴

主眷殊泊子走風塵解囊爲償逋併招諸舊侶其饒南城隅  
酒斟金叵羅舞設紅氍毹豈知此契闊不復重娛娛別後荷  
相憶時時達雙魚唯恐再見難常以多病虞昨歲長蘼臺致  
書遠詢芻將爲謨猷告以備獻納需我謂國副相職異班心  
趨要當持大體勿瑣及錙銖旋泛江北舟歸已冬序徂方思  
重問訊赴者忽在閭方公未六十皓然白鬢鬚聞當易簪時

撒手真斯須去來本自了心力亦久枯兒孫盡環侍道路爭  
嗟吁生榮而死哀亮無遺憾餘長江何瀾瀾丹旌行徐徐定  
知白雲鄉熊司寇周給諫厚輟攜手俱且待喪舟還泣奠酒一壺  
二月望後盆梅始放有作

買得盆梅檐曝勤隔年蓓蕾闕清芬怪他花信因寒阻過了  
春分纔一分

味辛齋梅花盛開復得二絕

孤山元墓兩無緣屋小於舟索笑便但使繁枝開有日底須  
定占百花先

東風二月遲瓊姿料怕衝寒特地遲錯認更休嗤北客此花  
竟與杏同時

聽雨

一夜聽春雨窗前曙色侵  
憂來千歲遠病入百骸深  
溝洫邦入力時議落城河

江湖遊子心梅花開已晚  
偏是值陰霖將達京口爲漕艘所阻還至丹徒待牘

擬宿南徐飽夕餐又迴北櫂  
守河干浮蹤絕似蟻旋磨往境  
本同鮎上竿濁酒酌來妨久嗽  
敝裘典後畏餘寒間關不待  
江湖險咫尺先歌行路難

欲遊焦山舟人以酒急不得上爲辭

推蓬失喜焦山近潑翠平教倦  
眼開剛欲登臨風引去松寮  
也要學蓬萊

庚午三月三日日在丁巳同年洪太守

梧招同何大令

張茂才

琴包世臣

劉

逢祿

兩孝廉修禊廣陵湖上予以

上巳剛逢巳爲首句次句亦用干支爲對屬同人各賦

五言四韻

上巳剛逢巳今辰是選辰  
禊修螢苑路客步竹溪塵  
池館關心廢煙花到眼新  
平湖如曲水把琰句辭頻

前詩意有未盡再用東坡上巳日與二三子攜酒出遊韻  
清明時節竟無雨共櫂蘭舟尋竹鳴勝遊後至怕客嗔險韻  
先拈眞自侮今朝上巳適丁巳往被水濱方卓午遭逢多是  
夙交契脫略何妨互爾汝三篙漲滿似揩鏡一片花飛疑鬪  
舞舢邊馴鷗意相狎樹底流鶯啼獨苦頗誇詩句欲驚人任  
訪園亭休問主短簫長笛雜歌吹紅粉青娥豔眉嫵興來還



拍洪厓肩酒到宜澆趙州土漫隨杜牧去尋春請與樊遲同  
學圃此生窮達亦何論要貴安排得其所行吟空效楚騷客  
拾翠翻輸漢遊女素心能數幾晨夕陳蹟只爭一仰俯不如  
閒處急行樂有魚可烹筍可煮醕滿猶能逞豪氣射覆時復  
作隱語輕煙昨已入朱門新月今纔懸玉宇須臾湖上散燈  
舫仿佛城頭催戍鼓眼前景傲谷口鄭身後評從汝南許儻  
使醉鄉容我畱敢惜飢驅因老阻紛紛富貴匪思存但乞康  
強天或予

江郎中

士相

招集桃花菴用東坡贈惠山僧惠表韻

幾度嘉招興未闌

清明上巳穀人桐生相繼招飲

又來精舍筆牀安綠波春

水主能賦斜日桃花客再看老衲出門緣采藥鮮鱗入饌謝

持竿

是日初食石首魚

明朝南浦輕帆去別味應添一倍酸

三月五日邗上早發是日子生朝也感賦

一宵風雨曉初晴獨向蓬窗感此生學易年剛符易卦討春  
人久減春情嬾猶入世牽中散窮自多塗阻步兵何所聞來  
何見去綠楊影裏過蕪城

### 仙女廟觀燈詞

仙女祠前煙井稠千檣爭集估人舟張燈聞爲酬元帝

相傳三月

三日爲眞武誕辰土人每歲醮錢試燈便當年年禊事修

家家門外有燈懸爆竹聲喧金鼓闌始信異鄉風景異清明  
已過作去聲新年

萬花飛舞九枝橫照眼疑遊不夜城澹月一鉤雲半掩蔚藍

也仗助光明

人聲鼎沸絳雲開天矯神龍天外來我欲乞靈前致語河隄

無恙旱無災

時淮螟三補決口而民方望雨

舟中看桃花歌

桃花壽止三十年結實歲又論三千一物何爲異修短無怪  
世欲求神仙我行江北春逾半夾岸繽紛看不斷或爛若丹  
砂或豔如人面栽來官道尙爭攀開向荒隄誰復玩惜哉去  
權殊怱怱舉杯聊駐酡顏紅兔葵燕麥觸眼是任爾搖曳驕  
春風

寄和吳上舍

詞送別韻

下榻雲谿又一時杏花開過惜臨歧敢云老馬知塗早尙幸

修蛇赴壑遲累歲奔馳倦遊客一篇珍重贈行詩筠簾水閣  
薰風裏同話離情指後期

講堂有梨花一株每來皆在花後今值盛開喜賦

三載客魚灣未與花相見今逢冷豔放初識春風面春風雖  
狂那敢侵入夜恍疑明月臨天公似有憐惜心不晴不雨連  
朝陰羣言花出塵我愛葉尤好恥與千林鬪綠肥如人澹妝  
衣亦綺閒來無語向東闌浸向膽瓶愁水寒寒食清明容易  
過人生能得幾回看

春陰十二韻

春陰逾半月春色已將闌偶得廉纖雨平添料峭寒攜壺資  
酒暖搜篋苦衣單試響禽猶澀求棲蝶未安閉門稀客過掃

地惜花殘直覺天如夢空教人永歎長貧唯有舌痼疾欲無  
肝我到逾三載憂來集百端占田多歲旱鼓櫂每河乾滄熱  
衰年易江湖席地難檢書聊共甫彈鋏笑成驩何日間身遂  
雲溪把釣竿

庭前新栽紫藤余初來時花甚少今則垂垂滿樹矣因賦  
一詩

春風昨夜入窗紗曉看蒙茸暈紫霞薄植栽逾三歲後清陰  
已可半庭遮山齋有客貪澆酒湖汭何年穩住家莫笑寓公  
無俚甚梨花看過又藤花

爲李秀才

文錦

題其尊人

志熊

仿千里橫看圖遺墨

巨然學北苑妙筆傳當時先生龍眠後畫迺師巨師方其冥

心入芒芴十日五日未可知此卷尤爲至奇蹟高僅一寸長  
七尺深山大澤掌握間千里直從片紙得溪橋茅屋雲樹寒  
樵漁儘可中磐桓高堂素壁無所用不許縱視宜橫看我開  
文湖州亦曾寫煙靄與可有晚大小雖殊意則同曠代遙遙  
合相配什襲還教令子收偶然開匣古香流可能長向山窗  
展容我時時作臥遊

送春日集叢綠山房分得奇字

九十韶光欲盡時況逢良會飲何辭如泥醉已年來少限字  
詩難意外奇尙有殘花依老樹所欣舊侶雜新知明朝我亦  
同春去重話蠟山未可期

得東字

吳壽民

斜陽影照落花紅  
少追隨奉此翁  
荒海重來團舊雨  
草堂一夕領春風  
憐才共喜懸明鑑  
分手無端比斷蓬  
時公將之古豐  
予亦赴梓邨  
擬約九秋黃菊放  
會當掃榻小籬東  
得書字

吳麐

文章太守駐輕車  
同集幽閒處  
士廬花放那嫌三月盡  
酒酣直到二更餘  
曉鐘未動春猶在  
佳句重吟錦不如  
筆墨精良翻是累  
紛紛爭乞子昂書

得明字

江懋德

山館蕭閒竹木清  
深林啼徧杜鵑聲  
座逢名宿成佳會  
人與春風共別情  
放眼千秋推月旦  
關心七字賞聰明  
曩有再生惟願我  
無情句蒙公稱許  
韶光去後還重到  
何日扁舟海上行

得人字

洪允恭

餞春日喜展陽春恰值高軒到海濱時雨纔沾物都化  
名花雖老色逾新地偏大啓詞場好心醉非關酒味醇  
敢就雷門輕布鼓問津還仗指迷人

自掘港至豐利塗遇大風寒甚

野田彌望少人行滿地閒花隨意生正是清和好煙景北風  
何苦太無情

昨日輕衫今日裘一寒已過十分秋籃輿麥浪中穿去便抵  
江湖泛小舟

初到文園主人置酒牡丹花下

勞蹤剛喜息馳驅又見名園放鼠姑別有丰姿成獨絕卽誇



富貴與凡殊張燈爲助花顏色飛雪慚添客鬢須共引深杯  
對深夜未妨涼露濕衣襦

和作

汪爲霖

送春草草似馳驅竹箭抽如金僕姑舊雨情同今雨異  
名花色與衆花殊有才方許題黃絹無計能逃是白鬚  
莫惜顏酡拚醕酎麥秋寒未著羅襦

次韻答徐刺史

折

栽花久徧河陽縣解組歸從東里東結契兩年相見晚論文  
千古所言公君閒好看芝蘭茁我病常資藥石攻開到將離  
仍惜別人生容易馬牛風

原作

去年握別太恩恩琴鶴重攜到海東此地園林欣有主  
一時壇坫共推公翻嫌筆債償難盡何使詩城隙易攻  
滿架朱藤如絳帳我來端合坐春風

題徐刺史詩

筆健力能穿紙背言真趣自得環中評量詩格居何等唐是  
香山朱放翁

次韻答徐公子

朗

幾日淹留簿策車喜君病起出門初更番傳食人情厚次第  
看花天氣徐竊譽媿爲驚座客安心勝讀養生書維摩室近  
無緣入

君從兄珮辱投詩以抱疾未見

重展相思仗鯉魚

題畫蘭

光風拂拂露浮浮空谷幽姿尺幅收最是彝齋家法好書家  
飛白畫雙鉤

歸塗

歸塗天氣好無雨但濃陰草徑穿來捷煙邨望處深易畱唯  
旅蹟難定是人心羨殺知還鳥時哉集舊林

成山精舍無四時之卉唯三四月間有梨花藤花而已因  
屬友人圖之便面而系以詩

白憐樹杪晴霏雪紫愛階前曉覆雲莫道還家攜不得袖中  
春色有三分

題畫

伊人邈一方扁舟思遠訪不如且迴篙山深水亦廣

結廬在空谷幽客日相對豈不念城中塵喧非所耐  
坡陀千仞岡登高必自卑置身毋太峻太峻誰持危  
古戍少人行暝色下林木蒼茫一片山欲投何處宿  
持竿得魚少撒網得魚多我亦臨淵羨其如徒手何  
天際有揚帆極目煙波迴知是故人來獨立沙頭等

崇州樂府

有序

予客通州之石港忽忽四載習州之風土人情暇日爲  
賦新樂府三章俾誦之者知所警焉

狸首斑 傷停棺也

狸首斑澤如沐一棺未埋一棺續漆黯塵凝同露宿吾聞古  
人未葬不入官葬苟踰期不除服胡爲遺殯淹歲時子又生

孫若罔知富者常稱地難得貧者復謝囊無貲君不見西鄰  
昨夜火連屋孝子哀哀抱棺哭一炬難將百身贖

縣門敞 戒興訟也

縣門敞州門寬入之易易耳欲出殊艱難一朝之忿投片紙  
兩造虛詞互相抵寃非覆盆盍待理中人十家產如洗長官  
張樂吏設醪僕隸執綺恣遊遨問其何能爾大半鼠牙雀角  
之脂膏君不見南山有飛鳥羽毛怕人觸訟縱能申身已辱  
縣門州門休厠足

連珠池 憫如泉人之鬻女爲伎也

連珠池珠藏川自媚池邊女兒顏如花心性聰明肌細膩生  
女未長成得錢便輕鬻謂他人竟作爺孃授以琵琶教以曲

琵琶學就曲亦成當筵又使工逢迎初猶覩覩語微澀後漸  
放誕姿橫生秋月春風幾回賞老嫁商人與厮養就中亦有  
花飄茵多少落英沾糞壤君不見連珠池水聲琮琤照影年  
年長自清女身報親不足惜獨念父母難爲情

姜秀才

提

家芍藥盛開折取爲贈供之膽瓶適保生

錫麒

至置酒賞之以將離二字分韻得將字

數枝婪尾春可以殷羣芳有客折相贈紅比赤玉光孤吟惜  
無偶人至歡持觴名花燈下豔野藪廚中荒所欣幽賞共豈  
在華筵張我自別西省非復近侍香翻階思舊夢對酒增離  
腸明朝又歸去荷子遠送將

得離字

保錫麒

揚州有金帶四公會賞之此閒小維揚看花亦及時當  
階紅燦錦映酒丹流卮恐隨羣芳墮瓶浸三兩枝喜爾  
顏色好羨爾位置宜能邀知者盼風雨何敢欺心香奉  
一瓣花下陪名師欲別未忍別胡爲號可離

叢節母趙氏詩

溯系原吾族于歸得所天方期偕白首何意裂朱絃絕續關  
三世堅貞過卅年奉觴姑願慰晝荻子書傳節顯凌寒候心  
勞未雨前居然恢堅緒藉可報重泉閭荷女宗表家垂德象  
篇慙無中壘筆敢附管彤宣

常熟九里橋舟夜聽雨

江北久無雨江南雨獨多孤篷聽不得遙夜客如何旅食衰

猶乞年光病易過  
剪燈重起坐短詠未成歌

將至無錫狂風忽起舟幾覆

前日通州行興夫誤失足緣坡竟落坡榛莽互相觸憂雖非  
性命傷已及皮肉今日梁谿過扁舟路由熟狂飈猝然來直  
欲翻地軸挾雨更興波掀蓬兼壞舳驚呼雜婦女變色到僮  
僕輕將等鴻毛險真近魚腹須臾風浪息舲窗透晴旭憶昨  
渡江來彌望駭心目方覺高枕安反成欹器覆始知危機蹈  
每在平地伏定志恃忠信參觀明禍福龍山自送迎雲收儼  
新沐

櫓聲

一樣伊啞柔櫓聲  
晝聞不覺夜分明  
寒山鐘與荒邨柝  
同遣



人閒客夢清

抵家後窗前十姊妹尙開已五年未遇花時矣

淺紫深紅媚夕暉此花與我久相違東風算是今年好畱向  
牆頭待客歸

佳名雅稱紫羅襪秦國丰姿渾未殘五載前曾愁裏對廿年

外記病中看

乾隆己酉有病起看十姊妹詩自山左歸惟甲子奉諱家居一見此花爾

有寄鸚鵡者綠羽黑喙而不能言感而有作

鸚鵡來西蜀回頭萬里程未能言語巧但苦道塗更思偶承  
唐帝才終累禍生東南惟孔雀合與結遙情

四月廿八日誌

四月六陽月陰氣忽暴升相脅遂成雹傳是雨所凝濃雲四

面合勢自西北興擊窗疑碎玉落地如圓冰或云神龍挾又  
謂怪物憑旣去而復來迴風若爲乘禦苗旣有道致沴盜無  
徵尙幸一時暫未妨二麥登

競渡詞十首

一宵檐漏放晴光競渡初來舉國狂佳興老夫猶不淺已過  
六十四端陽

張筵張樂有辭疲爭逐龍舟早訂期自有往年陳例在進城  
先謁晏公祠

空中樓閣翼然臨五色旌旗鬪淺深共說兩龍成競爽一舟  
費已倍千金

蒲酒長從客裏傾榴花難得故園明自家水榭登臨慣翻棹

沙棠逐隊行

唐家灣北顧塘西多少珠簾盡捲齊向晚月明何處好畫橈  
都在白雲谿

青蛾皓齒紛紜集窄袖蠻鞋結束牢怪底一枝春色豔桃花  
不學學櫻桃

入耳無端爆竹喧銀花火樹似星繁夜涼風露侵衣冷錯認  
天中作上元

不數南金疏勒奇幾番金鼓出狡獬神光離合行蹤祕此是  
魚龍曼衍遺

桂楫松舟銜尾連秦淮艇子讓吳船火城忽訝來波面六十  
八燈四面懸

笙歌十日沸溪頭梅雨連朝漲碧流天意已闌人未倦又聞  
好事欲重遊

周節母湯氏詩

辛齋學士

先甲

古遺直女殉所天行尤特

學士女歸鴻臚卿劉謹之夫死殉節孺

人生長本清門孺染家風諳悃德年二十五稱未亡子猶在  
腹親在堂舅姑既養孤亦撫孫枝轉眼森成行表閭自有綽  
楔例堅卻詩

旌明素志薦紳尙恐不好名巾幗安之誠異事我識學士遊  
燕初我之外兄烈婦夫

謂劉鴻臚

管彤今更昭賢節根觸前塵重

感吁

鸚鵡蓄未一月爲螽奴所擊傷足致斃埋於學宮柏樹下

詩以悼之

空有雕籠在俄傷失綠衣早知來就死悔不送將歸毒飽庸  
奴手危忘默者機奴以其善鳴撲之一株橫舍柏魂魄好長依

雨

黃梅原易雨其奈太滄沓移榻常防漏開門欲入波琴書生  
計短藥餌病人多簑笠如容遂吾從張志和

家觀察

翼

重赴鹿鳴筵宴次韻

也爲槐花幾度忙卽今魯殿歸靈光六庚重讀登科記一甲  
曾超選佛場氣可作時餘鼓震鋒經試後善刀藏當筵多少  
新先輩應共持杯勸索郎

卜築居然繼陸邨白雲谿正繞衡門老能嬰鑠真天授壯遂

優遊是

主恩高臥笑人流作枕狂言恕我屋爲禪生年卻媿逢丁卯  
編集無由附許渾

衡雲初步接脩程孤進還丹體自輕采鞠種松榮晚節吹笙  
鼓瑟沸新聲久知輿望如瞻岱且喜詞源尙倒瀦一任錦坊  
花樣改總教不負讀書榮

冊載滄洲與鷺盟回思燒尾未忘情繡衣脫覺田間樂青史  
傳多榜上名舊蹟再尋仍桂苑齊年細數只桐城謂姚比會  
部儒  
看三世同嘉宴雛鳳爭隨老鳳鳴先生嫡子孫  
同赴省試

題陸廣文

壽昌

蘇山勝蹟畫卷

君之官職古鄭虔廣文三絕輝後先探微畫況本家法當其

得意忘蹄筌平生好嬾未輕作十日五日常遷延偶然興至  
弄丹墨欲驅造化供雕鐫不失常細不媚持較凡筆幾天  
淵此卷蘇山與地稱皴法皆取工而妍蘇山多在郡西面直  
走笠澤形蜿蜒支硎天平互起伏銅坑石壁遙鉤連奈苑層  
層山香界稻畦稜稜環膏田畫山頗多畫水少圖窮始見波  
浮船橫量周尺過三丈首尾呼應如率然禹玉谿山妙無盡  
昔曾目擊非言詮及珪溪山無盡圖見之長洲葉氏海錄軒又聞富春擅名蹟子  
久久尙人爭傳卽今後勁亦用力緬彼前喆堪隨肩我遊吳  
中非一境記向峯頂厝經年當居穹廡讀書展觀恍踐林壑勝感舊  
難續朋簪緣歲維乙卯時夏孟手澤猶昨身重泉替人且喜  
在堂構元暉能象元章賢君子鏞亦善畫

七月七日金六太守

紫

招集慈度菴次韻

一水西郊便扁舟穩勝車攜尊延爽氣說餅愛精廬

菴僧善製餅

落照催人散明星挂樹疎靈辰宜雅集用拙獨慙予

曰來偷兒屢至慨而有作

今年貧比去年勝舊物青氎已無賸汝曹何所聞而來引類  
相翔窺熟徑范家之甑塵欲生玉川破屋餘茶鐺零星將去  
能值幾妙手徒受空空名中宵忽聞檐瓦碎櫪馬自驚人不  
寐再三之瀆無厭求此中豈盡飢寒累竊鉤者誅竊國侯齊  
奴致富由荊州黃金甲第扁鐺固汝胡爲是區區謀世上如  
君可勝道盜其心者儒其貌巧偷豪奪日益工庸耳俗目甘  
爲蒙



庭前蒔荷二盆各發三花今第七花已見而主人出門矣  
詩以紀之

綠葉田田映碧漪兩盆菡萏各三枝  
薔爭炫處榮枯淚葯偏  
嘗來甘苦知愛潔每承晨露滴納涼最與晚風宜  
新葩又吐人偏去未許畱看半放時

渡江

東方日出影瞳矓殘月西邊尙挂弓  
待得潮生乘酒去披襟  
快受打頭風

年年觸暑未能閒老去情因兒女關  
去歲六月渡江送兒子就昏山左今以第四女  
隨周壻還蜀只恐金焦笑人俗此君渾不解看山  
至揚州視之

舟中暑甚入福緣寺小憩

偶然到岸便停船好覓招提證福緣莫道清涼竟無地但看  
火宅有青蓮

丈室幽蘭鼻觀通斷腸花也傷琳宮多情最是閒秋色雁未  
來時一例紅

彈指無端舊蹟迷壁間細認故人題

寺有張布衣洽所畫松樹梅花王太守文治管

漕帥幹貞所書杜帖轉嫌塵外流光速僧話無多日已西

洪同年

梧

招同蔣學博

知節

包孝廉

世臣

善田上人及兒

子

熒

同遊湖上用少陵秋日寄題鄭監湖上亭三首韻

餘炎渾未退蟬響已知秋且酌風前酒來登湖上樓客愁拋  
詠徑仙喜其膺舟安得平山住誅茆占一邱

桃花方爛漫精舍記曾過浪蹟仍湖海幽期誤薜蘿關心前

夢杳把手寓公多賴有朋簪樂羞囊可奈何

放船蓮葉北花好解迎人不信魚鹽俗能藏雲水身閒中消  
日永方外得交新此地堪遐寄休辭吟賞頻

古郡

古郡丹陽控引遙年時絕塞說嫖姚謝安望豈遊山減汲黯  
名徒臥閣標歌舞場終原夢幻閭閻口在卽風謠桃花逞媚  
楊花活誰似東籬晚節超

親家周左都

興岱

以己巳十一月歿於京師明年春公子

延授

等扶護還蜀七月過揚州予買舟往弔語次出鄉

關乘傳圖索書庚申秋所和用少陵將赴成都草堂寄  
嚴鄭公五首韻曰此先人意也旣錄前詩復成五絕句

以志人琴之感焉

升沉萬事轉頭更一刹那經先後庚秋雨江城重讀畫霜髯  
雪鬢儼平生

昔年乘傳到鄉關丹旆俄驚萬里還曾記過家親上冢又營  
馬鬣傍青山

爲感遺言寫舊詩拈毫添得淚如絲故交多向泉臺聚可似

銷寒把琰時

往在都門邀公與熊司寇枚周給諫厚輅吳編修裕德爲消寒之集今相繼謝世

公之冢婦吾少女細數恩慈極不忘始識年來衰病甚半勞

國計半神傷

公配杜夫人丁卯夏先卒

皮骨空存奔走餘信天翁竟困無魚白雲鄉羨先生逸後死

人還息壤虛

題周文恭公煌登舟圖圖爲乾隆丙子冊封琉球廈門登

舟時作也卷中無體不備獨少五言斷句補成十首

冊封本庸使典重爵亦優公年四十三時甫官編修

文物數中山登舟儀衛盛圖之紀初行且以寵

君命

前驅負弩矢文武夾道遮樓船雄跨海陬彼博望槎

颶風起姑米身豈鴻毛輕守官不移地澹然置死生姑米山遇颶旋

索皆斷接封大夫鄭秉和勸易小舟登岸暫避公不可

至誠能感神臣節孚天貺百靈爭效職使者竟無恙當危迫時海中

有神火神燈之異

禮成還闕下慰卹

天語溫從此迭遷拜始終荷

渥恩

我未親營欵造像瞻清高至今披畫卷耳畔聞波濤

青宮述朝列大筆紛淋漓已第一辭贊聊補諸體遺

仲子託素心

訓公次  
子典岱

申以昏姻好隨公遠騎箕人琴痛長抱

明德有達人食報在似續努力誦清芬敬爲後昆告

洪同年

梧

復用少陵狂歌行韻見貽再和答之

我長於君甫三歲論才君合視子弟一詩韻每再三疊咄咄  
逼人畏其勢已輕軒冕如塗泥有時起舞因聞雞兩人宦蹟  
略相似先直省披後魯齊邇來讀書長抱膝偶爾遊觀趁佳  
日淹留覓勝欲忘歸慘澹成吟多紀實我昨鼓柁辭常州攜

觴同醉湖邊樓君拈杜韻作衆倡座客次第紛賡酬往來必  
尙古之禮嫌則屬兄箴屬弟朝來聽雨正愁絕又展新篇眼  
如洗容齋妙筆本軼倫念我近狀尤情真請君莫更買餘勇  
我已甘爲避席人

周堦

廷授

舟中有鳥名獠哥云是滇產背赤耳黃羽純黑  
善效人言卽絲竹音聲亦能相似而無翦舌調習之勞  
殆出鸚鵡上或云卽結遼遼獠了音之似也

來從六詔去三巴丹雘烏衣質自華盡日人前工學語有時  
夢裏乍還家雲山絕徼鍾靈遠飲啄孤蓬作計賒一樣微禽  
兼慧性獠哥名讓翠哥誇

邗江舟次示第四女季媛

與汝十年別吾衰更可知此行真萬里重見竟何時兒女幸  
成列關河好自支西風吹去權各有淚交頤

秋暑

秋暑今年久人忘白露期譬如誇勢要渾不覺衰遲苦是殘  
牙隕時患齒痛貧爲老骨支預愁寒信到囊少贖衣貲

驟涼

天道極而反驟涼因久炎秋纔一宵隔候已四時兼白露日暑甚次  
日即雨助蒸聲咽風驅豹腳潛全家裘盡典尚有緼袍添

白露後積雨不止中秋入夜雲勢猶滃旣而月色大佳欣

然有作

積雨濃陰黯未開良宵已分悶銜杯浮雲不待管絃散明月



忽排戶闥來冒使上天容滓穢枉教終日費疑猜六街踏後  
空庭立如此中秋得幾回

雙桂歎

有序

吾家匪懈堂前老桂二株皆百數十年物花時香達四  
鄰相傳爲神所踞有見張燈樹閒者予少時獨不畏嘗  
戲其下乾隆己亥左桂忽產一芝先君以爲瑞編籬防  
護未幾爲人竊去桂遂漸槁嘉慶乙丑大風拔其根今  
右桂亦有枯枝著花不多而芬芳特甚然生意減矣感  
而賦之

先人敝廬閱百霜

奎題匪懈顏其堂

匪懈堂爲仁廟御筆賜高祖曾祖者

堂前雙桂左右峙連

理接葉揚芬芳不知何年桂始種吳剛斫之屹難動花時常  
引遊屐來九里十里香遙送吾祖吾父寶護之儼然矩矱高  
曾遺桂兮亦解人悅已黃金屑滿碧玉枝靈物由來招怪物  
往往明燈深樹出童奴卻走小婢逃我獨酒酣狂喝月無端  
根產煌煌芝嘉兆似與科名宜豈知精氣忌太洩黜儻非復  
年時姿一株已化神龍走一株亦異桓公柳故家喬木關盛  
衰每到花前坐良久君不見春蘭秋鞠隨候看新桂高又齊  
檐端摩挲我別有深意栽者固難培更難

看鞠

人皆插鞠樣翻新我得看花未厭頻最好俯雲樓上醉清歌  
夜夜月如銀

施有堂小集次莊大

字達韻

塵中近事厭知聞  
飢走常憐我與君  
把酒南窗聊聽雨  
論交東野願爲雲  
好官久分拋紗帽  
妙句先煩寫練裘  
尙有青門乍歸客

謂哲弟述吉

明朝蹤蹟悵重分

黃塘展墓

先塋依祖壠地居城艮位我出自北門還從東郭外  
潦深怯餘渾日薄快新霽霜葉紅不多與蘆白無際  
肇歲記初展開冬始重至門閭漸難支魚菽勉供祭  
去去別松楸潛焉潛出涕

夢中得後二語覺而足成之

食單空致五侯鯖  
華屋終歸蔓草繁  
書卷一牀居十笏  
茶煙

也不負生平

十月下旬將赴石港至揚州則高堰五壩已開仁義智三壩水勢甚溜下河聞亦汪洋不得進還至京口復爲糧艘所阻

貧士困飢驅出門已非易欲贖敝裘歸累月計未遂黽勉及韓溝湯湯水方至六牖六十里渺如天漢際頗聞避水人多思怯篋利子昔阨波臣敢復以身試臨河廢然返迴舟重鼓棹

七日兩渡江金焦殊倦看行行過京口虛艦排空灘江南潦已盡江北浸何寬可憐好風色終朝守河干篷底聊獨酌薄言禦初寒盈虧亦靡定宜止行路難

田間久伏處偏懷出位憂方冬水歸壑潰決亮有繇下方成  
災區上遊滯漕舟金錢百萬帑歲擲洪濤流鄙夫挾私見能  
吏乏遠謀臨事或補苴未雨誰綢繆比聞濬海口重臣稟  
皇猷尙賴持其後時還一展籌

潤州待潮舟中讀先恭毅公剩橐

船窗靜無事傳家集重繙煌煌先尙書有德必有言豈在飾  
聲貌亦匪誇連狝少卽倡埋斁功勝漏澤園居鄉悉利弊侃  
侃不憚煩已甘爲唐老忽

召登藩垣撫越復移楚秋肅兼春溫謳思果能治疑謗遑足  
論屢遭齟齬口仍荷

呵咻恩報酬彌自矢位望遂日尊官終六曹長志勵一息存

魏科啓家督治譜記家孫至今踰五世澤猶縣後舅我於世  
未補薄植慚清門莫恃席履素江湖本有源莫任灌溉輟草  
木無長蕃掩卷三太息潮生舟子喧

石尤

石尤作惡長年苦一葉挽如萬斛難卻怪天公近無準東南  
風比北風寒

客路

客路無端往復還到家元叔又囊慳不辭跋涉經旬瘁要博  
山堂一月閒

題夏節愍

完淳集

舍人家世篤忠貞壽考何曾及令名死學從容文信國生爲

蕭瑟庾蘭成山川氣萃雲間厚詞翰光從劫後明身自千秋  
年十七執鞭異代有餘情

十一月初三日泊福山口夜夢覆舟次日渡江風浪大作  
殊有戒心暮抵任家港作

狂飈獵獵破帆懸如雪飛濤怒撲船談虎忽教顏色變驚魂

猛憶八年前

癸亥十一月三日  
壞舟清河

妖夢荒唐未足疑平生忠信尙能持遼東自訟東山嘯魏晉  
人皆是我師

到岸斜陽已欲頽且投茅店酌深杯居民相識還相訝何事  
今朝破冢來

寶樹堂看鞠

燈前花影夜婆娑高下爭看益益羅十月已過黃鞠盛五人  
相聚白頭多座中五人共三百廿一歲頻傾旨酒知鄉味是日飲惠泉酒貪看清  
輝引客歌歸路任他寒柳緊霜風不敵醉顏酡

十一月十五夜集成山精舍看月分得人字

山館真居寂莫濱足音良夜喜相親但教放眼常看月便不  
當頭亦可人俗傳此夜乃月當頭我自衰慵戀觴詠客方少壯耐風塵  
時保生錫陰晴難定分張易莫遣恩恩負此辰

往在京師羅山人聘畫東坡先生像贈余出入攜之垂二  
十載人皆以爲與余相肖但差肥耳山齋無事因題一

詩

公年六十六我今六十四公名久炳穹壤間我疾不稱而沒



世公髯絕倫軼羣姿我苦撚斷徒吟詩由來戰勝癯者肥弗如公處或在斯旁觀何事費猜度虎賁中郎亦不惡瓣香清

酒歲寒時

歲以公之生日祀公

往往兩人成對酌

姜秀才

靈照

送素心蠟梅

消息先春逗蠟丸一枝折向膽瓶看素心誰與同晨夕只合從君過歲寒

疑是黃蜂替煇媒貧家竟有素兒來山齋近日誇人處夜夜寒香入酒杯

余性愛燒春攜來沛釀夜必小飲日來瓶罄乞諸其鄰又

甚劣適馬生

紹常

餉牛莊酒二罍喜而賦此

平原大抵督郵材乞酒心同乞米灰掩卷正愁紅日盡款門

恰遇白衣來名錄上塞牛莊錫法自西涼馬乳胎一任夜長  
風雪緊山齋已有掌中杯

渡江三首

臘暖如春爲久晴挂帆剛值北風生昨來犯險此行利天道  
總無陂不平

岸邊雙鷺如鶴立波面野鳬隨鴈飛幾欲覓間渾未得輸它  
水鳥早忘機

煙霧迷濛失髻鬟似含雪意破天慳一峯隱隱出空際知是  
前頭近福山

舟行雜詠

連番釀雪未曾成曉日林梢又挂鉦信是農家占候準立冬

無雨一冬晴

買將舴艋去征行  
行李蕭然尚可容  
休慮曲肱眠不穩  
近來聽慣五更鐘

五山爭峙福山孤  
未抵虞山似彼姝  
窗子不安帆亦卸  
貪看秀色冒模餉

遠山清遠儼吳興  
菱蕩由來不種菱  
常熟北去有四蕩曰華

宛山土人又稱遠山  
五十里中波一片  
幾時選地設魚罾

閃爍金鱗日射波  
敝裘漸減午風和  
天心不比人情薄  
煦物偏從冷處多

舟中習靜夢羲皇  
一日真如雨日長  
預恐到家塵事偶  
可能泛宅老滄浪

黃梅色相悟瞿曇鼻觀幽香細細參卻笑名花學飛鳥依人  
江北又江南

千古遙遙兩賦傳哀江南與大哀篇

舟中讀此二賦

才人筆墨孤臣

淚一是童年一幕年

攜得名香熟向爐隨風馥郁散須臾孤蓬偶傍殘蘆泊莫把  
雲林例老夫

畫景何如宵景宜蟾盤正是欲圓時今年月已無多夜忍爲  
霜寒怕寢遲

子昶

校字

姪學彭

亦有生齋集詩卷第二十六

亦有生齋集詩卷第二十七

武進 趙懷玉 億孫

古今體詩

重光協洽

二日雪

去年臘月見三白上日剛逢開霽色今朝玉花仍亂飛片片  
隨風捲如席自晨至暮渾未已因方遇圓遶相積四面天垂  
董子帷六街路斷阮生屐此時高臥客老夫何處款門來賀  
客鶴鰲區區宜耐冷蟾光皎皎疑生隙漫言鳥雀飢莫投早  
卜蝗蝻深自匿擁爐把琰一開顏詎止田公笑嚇嚇酒闌自  
喜還自憂居福地須人有德此邦何幸致屢豐莫恃天功爲

已力

立春前一日大雪集管上舍

蘇東坡

讀雪山房

讀雪山房逢快雪雅宜翦韭集佳辰林亭變幻都成玉世界

空明已絕塵兩世人琴愴南北

侍御世銘官京師有讀雪山房於

家一宵氣候判冬春酒酣漸覺陽和轉似有條風入戶新

雨

春前一日雪春後一日雨春陰黯不開春愁與誰語試燈無  
柔風入市少乾土便欲訪南枝寒深信猶阻

二十日黃塘展墓

拜冢年年有定期無端雨雪遂踰時狂飈力與松楸戰要使  
人添風樹思

題司馬文正公神道碑拓本

并序

公以元祐元年九月朔卒以二年正月葬葬之明年勅翰林學士蘇軾撰碑并書上親爲篆額曰忠清粹德之碑紹聖閒惑於羣儉之口仆碑而磨其文金皇統中訪得舊本模立之斷碑爲四額一跋一其六石此本爲絳雲樓舊物僅有全文額與跋皆不可考矣

富韓相業誰步塵天生後勁涑水濱學爲通儒望元老歷事四帝醇乎醇初登禮院愼名器旋倖邊郡籌兵民立朝風采衆所仰建嗣謨議公先伸西夏能知用軍失南郊直決言利因無何安石倡新法毒痛四海延冠紳公知時局判水火乞歸居洛成閒身閉門獨樂十五載讀詔泣下猶敷陳神廟升

假主冲幼女中堯舜推宣仁首政先看相司馬一舉勳足驚  
疆鄰四患未除五害在任天下責忘其辛駸駸嚮治遽疾病  
山頽木壞星辰淪生爲民懷競遮道死則巷哭爭傳真誰歟  
表墓命臣軾其文與筆俱超倫刊之貞石炳穹壤呵護定有  
山川神宣仁旣歿主親政紹述論起羣信信借人父子作報  
復天不祚宋餘何論發冢暴尸任無忌秉彝好德終難泯碑  
殘幸得更摹勒玉碎畢竟殊璫珉至今展帙悟顯晦如陰隲  
後三光新羣愴骨臭豺虎弃墳前唾罵來行人亂日常多治  
日少否泰之道由君臣

將往鄧尉探梅雨阻不果

有約探梅已買舟銅坑今忽作羅浮煙霞偶癖天猶忌風雨



何心春不休花爛漫時偏易負客支離處更添愁故人黃土

柴門改忍憶袁絲其昔遊

丁卯春與袁君廷壽山中看梅今袁物三載屋亦售於人矣

陳舍人

希哲

守梅圖詩

舍人示我尺幅圖有梅有鶴德不孤鶴能守梅梅伴鶴此福  
卻與常人殊憶昔青龍移乙酉君年二十我十九我慚逐隊  
到名場君喜摩空成作手

省方奏賦追長楊落筆更羨中書堂爾時意氣頗豪上鳳池  
雞樹恣迴翔旋由妙選入樞禁公輔可期聲籍甚豈知省掖  
步後塵已向邱園得高枕一行作吏悔昨非輸君早歲能息  
機狂來猶想調羹用倦極難教養翮飛偶泛胥江一訪戴二  
老欣然相晤對子有清聲和在陰身原逸客超同輩共道梁

溪化雨寬

君主東林講席

自憐行路近尤難何當買宅孤山麓重證

前盟過歲寒

朱棟畫荷

吾邑唐芟工畫蓮其名遂以荷花傳百年以來誰亞匹又有  
朱荷花復出我聞朱生能孝親餘事亦可通乎神殺粉調鉛  
任塗抹愁紅醉艷都翻新我未識君見君畫似與半園共宗  
派展圖彷彿誦華嚴始信一花一世界

張大令

吉安

招遊虎邱

上已纔過禊可償故人相約汎輕航漸看雲盡千株白難得  
瓊英三月香交口衆曾傳政事

君宰潞有聲

回頭我覺誤行藏著

書已晚名山阻

嘗與君約遊天目及大峰洞天皆不果

且向花前盡一觴

孫氏水榭聽女郎張素雲彈琵琶

扁舟歸過虎邱泊燒燈夜醉孫家閣有人好好是前身皓齒  
明眸姿倬約學得琵琶與衆殊清歌況更壓吳趨手中疑碎  
千片玉喉底竟成一串珠轉軸撥絃和者寡英雄兒女都摹  
寫酒闌曲罷黯魂消我本青衫舊司馬

舟中供紅白桃花各一枝

載得天桃一舸歸漫論燕瘦與環肥分明國色分行立半著  
朱綃半縞衣

清明日遊惠山

難得清明節晴光麗午天昨爲吳苑客今放惠山船支策閒  
尋寺烹茶速煮泉此間方海湧奢儉已相懸

經院尋常閉名園取次過池開波浩森徑遶石坡陀聒耳喧  
鉦鼓鄉人擊鉦拜香口誦玉皇號摩肩少綺羅徘徊興易盡  
斜日下巖阿非其時非其地可笑人也

歸氏義莊詩

宗族有遠近始錄一本傳已荷得溫飽忍使傷顛連鬻業美  
蕭復散鎌聞王沿卓哉范楚國繼此創義田至今食其利遙  
遙七百年天平笏森萬地沃歲取千滄桑雖遞變畝畝終無  
遷歸氏好兄弟邦國稱其賢一守范公法宅與田同捐養送  
皆裕如長教亦備焉既令父志遂復將母德宣薄俗於以厲  
厚澤因而綿坊邀

九重獎碑有衆口鐫歌詠徧海內吾慚筆如椽

遊陳渡草堂

訪勝重登春水船舊遊人半隔重泉十國皂莢童童葢一院

梨花澹澹煙深刻讀書猶有迹

壁有孫文介書荆川先生讀書處石刻

長貧買

宅竟無緣倘容息影依陳渡便繼荆川傲朝川

閏三月五日

今年六十五三週三月閏

癸巳甲辰及今辛未

我生暮春初天獨不我

吝長疑綵絲續短異黃楊困羣言時罕覲盡以觴一進念非  
母難日聊爲衆意徇罷酒忽沈思流光真轉瞬已成長無述  
差免勿不遜唯慮生計難尤苦塵事恩後境亦可知壯心難  
自奮好花忙未賞遠道飢重趁欲答天栽培庶惜陰分寸  
藉蘭館看牡丹用東坡雨中看牡丹三首韻

孤篷信宿住意嬾吟興無故人忽相招咳唾皆成珠況逢錦  
帷卷初見姑射膚東風自有力底用闌干扶

良友四五輩名葩廿六枝何以酬媚景尊酒聊其持春添積  
分月花盛半放時吾恐富貴場無此清艷姿

桃李遞榮落鼠姑獨後起譬如國士出遂足拚餘子我幸秀  
色餐坐令肉食鄙芳氣能解醒下階頻嗅藥

舟中題文姬歸漢圖三首

千載胡笳拍尙新當時分隔漢家春黃金月曠中郎女此處  
曹瞞是可人

啼痕拭罷跨鞍遲有子猶能戀母慈莫道思歸輕骨肉蘇卿  
還國也拋兒

妙筆篷窗展幾回畧無款識費疑猜畫圖一樣春風面卻勝  
黃昏青塚來

立頁前二日江戶部

謹

汪太守

端光

蔣廣文

知節

貴觀察

發

招同吳祭酒

錫麒

洪太守

梧

泛舟湖上至桃花菴看

牡丹用東坡泛潁韻

維揚多故人林下才皆奇我來爭折柬盍簪春水湄惜別亦  
云久好遊竄覺癡臨流有蘭若獨聚傾城姿時光正清和畫  
景何舒遲異彩映叢薄濃香散淪漪行立任所適主客難辨  
誰把杯肩放手分曹如列眉潁攬非一地念釋尤在茲亦復  
以文會豈便荒於嬉不見笙歌沸中多市井兒雅尙近風俗  
廣交兼黃緇逢場且行樂勝我卽可師迴舟月東上似欲催

新詩

洪同年

梧

用東坡贈答趙郎中二首韻見贈卽次元韻酬

之

從來季主善言卜亦有孫卿著非相與其勞致萬鍾祿何似  
閒浮一尊釀素心耿耿唯知交衆口悠悠齊譽謗洪厓畢竟  
是神仙騎鶴揚州開絳帳移家恰在花枝中尋樂正逢春氣  
益君所居室榜曰我來小住笑傳食排日故人以酒餉

陳傭已甘田里放老健偏蒙彼蒼相得朋卽可一破愁謀婦  
猶能有藏釀君真才富日搜奇我苦言多難止謗好花看翻  
雕玉佩美酒漫羨銷金帳何時結習謝丹鉛空自高歌擊盆  
益海濱地僻盼書來有詩便如珍錯餉



附原作

吾曹不是宰官身今日但論壽者相蕭然琴鶴欲何之  
似恐尊中無宿釀海濱唯免食無鹽豈爲擣齧速官謗  
幾日鼠姑披錦帷經旬虎僕環紗帳相逢髭須稍添白  
道氣行年增晬盎何當百一壽齊眉博取豚肩歸遺餉  
先生與夫人  
台百有十歲

齊州飲酒不豪放清簡舊稱東海相淵明種秫更無田  
歸來難覓毗陵釀玉局投閒猶礙人徂徠祭酒常分謗  
功名未盡麒麟閣羅薛詎空猿鶴帳還尋枵腹吟石鼎  
細聽乾雷鳴瓦盎畱君無酒試煎茶山人近有龍團餉  
海安夜雨

正愁前路淺忽聽打篷聲安得一宵漲送將雙槩行移書防  
漏濕滅燭覺寒生輾轉難成寐初添羈旅情

姜秀才

晃

叢明經

傑

劉生

金聲

同過銀杏寺

雙店雙橋畔招提此最幽錫名緣鴨腳得果勝雞頭僧樸無  
凡想朋閒愜近遊萍蹤隨定止茶話且勾留

雙店以東水涸舟不得進易車而行

捨艇重登陸塗窮咫尺間幸逢天色霽羞說客囊慳半日殊  
寒煥頻年我往還漸看邨樹暝何處問魚灣

寶樹堂看牡丹

寶樹堂中衆花簇我數花名謝更僕錯落鼎鼐浸膽瓶杜鵑  
紅白蒿薇綠就中畢竟推花王花卻無多能絕俗一枝似酣

澠澠酒一枝儼立亭亭玉風過渾疑飛燕舞雨餘還想華清  
浴須臾暝色下庭除重就花前燒絳燭燭光花影互相炫花  
睡燭殘看不足由來女爲悅已容人若愛花花亦覺此時痛  
飲興欲狂三五良朋舉杯屬醉歸山館已三更猶有天香染  
衣襖

喜晤周太守

有聲

廣寧門外送雙輪何意萍蹤聚海濱六月君方成整息十年  
我已分長貧事如談虎難追往心久盟鷗未卜鄰珍重一尊  
須盡醉人生容易是參辰

附周作

握手燈前語未闌轉思身世有同歎平生正坐一出妄

垂老獨悲行路難

君與余同官中書又先後以外吏謫放今君已息機余猶奔走不已把

卷輸君能自樂曳裾憐我太無端百年此會知還幾萬

一重逢定更歡

唐刺史

仲冕

招同周太守

有聲

遊狼山

三年未踏狼山路忽逢刺史招邀去故人意外況合并忍使  
清遊等閒誤是時春盡夏氣微羣芳漸摧麥漸肥筍輿次第  
出城郭東風料峭吹人衣行行十里山之麓拾級猶能謝朓  
竹乍過香市少塵喧頗喜林巒開面目支雲塔影撐天孤呼  
朋賈勇凌空虛黃泥馬鞍及軍劍分列左右兒孫如聞說晴  
明望無極金焦隱隱窗中得卻怪層陰晝轉濃不教放眼江  
南北歸塗蘭若聊停蹤老僧一笑迎衰翁陳迹都隨雪泥化

舊題還遣舞苔封使君大雅情尤厚更載珍肴兼旨酒論交  
四海已寥寥覓醉百壺休負負此生快意能幾回須臾暮色  
蒼然來非有詩篇安足紀揚糠在前自隗始

同作

周有聲

我行遠與黔山辭渡江而北曠且夷海濱山如草有芝  
一莖已足誇神奇五山況復爭崔巍那能交臂甘棄遺

主人愛山樂招攜更念我友遠致之

收菴方主文正講席陶山特邀致之

好山好友相娛嬉使我羈緒無乖離籃輿載我陵屨屨  
憐我衰疾休履綦我老倔強氣不低振衣直上千仞梯  
浮圖絕頂容攀躋披襟快當天風吹千里百里環棟榱  
金耶焦耶果是非惜無人掃煙霏霏但見平蕪綠遍禾

麥肥遠樹碧與溪雲齊是爲狼山堪坐閱中踞遂若尊  
臨卑曰軍曰劍前矛厯馬鞍黃泥左右陪寶氣上燭排  
壁圭繡壤下藉陳鼎彝以奇得偶奇非奇五山朋盍  
參差傳聞往昔驚征獫島夷出沒勞守陴山根漲沙逐  
歲移海波清晏帆檣摧至今恬養偕耄倪論功保障山  
宜尸主人政美慈惠師山捍其外政內綏主人與山皆  
國維時和人樂觴讌隨我來亦得驂相追深杯激灑傾  
琉璃雄談絡繹輸肝脾白日欲落憺忘歸茲游還作他  
年思

和韻

唐仲冕

五年四至崇川路山頭有石記來去名山山名是官箴

以狼爲琅母乃誤山英憐我心力微一朝雷雨桑田肥  
頗欲登高尋屐齒倩誰濟勝披蘿衣飲醪舊友來嶽麓  
謂希甫太守思君如賦猗猗竹折簡欣然便出遊郊外山光

青滿目四山低處一峯孤七層湧起萬緣虛自依初地  
龍象肅不信二老猿猱如想像諸天凌紫極曠懷高韻  
齊失得推窗但見煙迷漫南山之南北山北人生似鳥  
飛無蹤昨時年少今成翁名場自謝一麾守詩國何殊  
萬戶封夕陽穿破層雲厚倚欄憑眺傾杯酒跋浪鯨魚  
白日藏搏空鵬翼青天負風送籃輿首重回君如乘興  
尙能來獨憐舊友別二紀遊歌未斷驪歌始希甫將以復官入都

四月朔遊李氏萬緣莊

崇州多園林城北推萬綠遂招朋二三往渡河繚曲那知水  
已枯恍若地可縮於時首夏首長羸蕃草木入門疑天陰過  
橋得逕複芍藥紛繞闌薔薇爭冒谷盈愁花事盡直訝春光  
續看竹莫問主撰杖何須僕游觀太急急來往徒逐逐可惜

山邱人不能久華屋

時園主  
新斂

### 千佛寺雙銀杏歌

名園遊罷遊招提叩扃而入清塵壁未登廣殿恣巡歷先向  
傑閣窮攀躋蓬蒿放花通徑曲薔薇引蔓嫌牆低豈如庭中  
兩銀杏能令見者心神迷一株根同幹異挺如雷斧劈水剗  
犀龍撐兩角入霄漢烏鼓雙翼捎虹蜺一株空腹忽然果藤  
難榆莢紛生臍螟蛉負子賴螺贏驚鳴伏卵翻因雞天地之



大何不有誰從造化窺端倪我聞此樹最易長無事灌溉培  
塗泥藥品曾看本草著土物更向吳都稽平生所見已非一  
此尤奇絕驚童奚山僧自言世家子寺僧年尚少自  
言城中保氏子淹留茶  
話斜陽西出門林影猶在望卻悔未有詩畱題

### 十六國樂府

#### 前趙

絳灌既無文隨陸又無武惜哉四人空遇主西戎生大禹東  
夷產文王惟德所授宜有常戰國將開爾居首身雖人傑難  
爲後殿前執蓋催行酒典午君臣阨陽九上天降災亦屢彰  
帷薄不修殺戮強遮須夷竟容徜徉絕勝三老持一觴南山  
崩井水竭廿六年亡也忽

後趙

老拳孤厭卿毒手卿飽孤丈夫行事當礪落欺人孤寡胡爲  
乎大雅惜惜真令主可憐不聽陳遐語虎角而翼迺令終天  
意反助淫與克棘子成林石全碎高鼻多鬚枉遭害朱龍干  
里圍空潰

前燕

二儀爲德三光容丹書鐵券封遼東太平旣祭龍山龍鑄銅  
復旌赭白功再世英才竝儒雅周公事亦當時寡桓溫去符  
堅來首邱未遂長安歸奔秦尙有吳王垂

前秦

中州可定遇鳩死暗兒公然作天子朝士紛紛出虎口長生

不生異身首大魚東海忽化龍王佐況逢諸葛公如何忘卻  
臨終約遂使淮南駭風鶴風鶴駭聲名喪離八公入五將求  
聖不可禪不能英雄氣何衰新平妻子皆自殺三軍有哭聲

### 後燕

滅燕仍縱燕報秦終叛秦垂老竟創中山勲恥爲晉獻公禍  
端成殺母龍城死倖三年久庶民天王亦佳兒大言能誚周  
與伊衆心搖動胡弗知清涼池曲光海承華高比承光倍慕  
容氏門隨亦毀一束之藥兩頭然禿頭小兒來滅燕夕陽雖  
好時將闌

### 後秦

高陵郡公性恭順能遣兒曹盡歸晉龍驤建業忽授萇王無

戲言言不祥興也承家威四國垂死猶能安反側彼泚才豈  
敵寄奴百里草木徒焦枯噫吁嘻我愛奇童年十二有血不  
澆建康地

南燕

日入臍生天子可憐國祚只一紀大風蓬勃揚塵埃流澌夜  
合到滑臺角巾歸第果然否垂老亦有牛山哀漫言朝廷多  
直士趙思張鉞何至此超兮雖有桀紂稱反許封孚牖下死  
鬼夜哭城晨登執手對泣兒女情猶勝銜璧思求生

夏

奔高平妻以女反襲高平亦奇舉建城統萬闕四門南都刻  
石侈紀勲諫者截舌笑決脣天胡不早殲其身倫旣戕殯亦

死國祚猶能延二子苛藍遙望空淚垂卽先承業何能爲天  
道咄咄狐鳴哀

前涼

牧涼州城姑臧慕竇融保一方保一方更八主享國之久無  
如汝焚香日夜祈元冥那及講經閑豫庭公純嘏已當未造  
能復本封亦何悼況博美人以死報

蜀

江頭橋闕下市成都北門十八子劉禪庸才何足道洛陽傳  
首仍貽笑誰歎興學置史官海內皆亂蜀獨安誰歎仁孝心  
無忌反使宮中有兵氣數年天子聊自雄輿襯面縛何忿忿  
歸義侯同安樂公

後涼

目重瞳子肘有印不耐讀書工戰陣黑龍夜起金象飛西域  
萬里同來歸老去丁宜戒諸子不敢二心言在耳弟未負兄  
兄負弟豈知天道終好還本實欲撥枝先刪胡奴斫人倉卒  
聞災惑侵羣雀鬪穀斗五千身偏冠素車白馬去何驟訣廟  
而行淚沾袖

西秦

築勇士城基之始西保允吾權宜耳別諸豪帥行且哭天未  
忘我當興復祥雲五色南山生大喜自言王業成待四方隙  
繕甲兵兵強地廣得股肱股肱良吾無患在位七年多勝算  
可憐有兒但好文焚城毀器羣臣奔不納魏軍忽降定上邽

之戮宜非命

南涼

登山無言忽不樂振旅便摧諸部落墜馬傷脅強爲笑呂光  
父子喜可料長君遞立無猜疑兄自端拱弟任之龍見麟遊  
臣勸進禎祥豈必因河西逸氣凌雲有車騎由余曰礪何足  
異衣錦方誇本國榮行軍忽失天文利有兒空負子建才難  
禦強寇乘虛來英雄末路憐妻子與其解藥無益死

西涼

漢前將軍廣數奇奕世乃復興隴西靜恭堂中議朝政隻手  
曾將千里定慨然大業未得恢述志但誇作賦才武能昭文  
亦屬無怪羣雄共推服嗣子猶子諫弗從蓼泉之戰宜其凶

後勁賴有燉煌公

北涼

謂馬權買男成兄尙可賣況非兄鎮西何在已在此有計東  
還見妻子日澗丹嶺隨所指王氣雖成亦旋止東門方投書  
東序又竄狐卅年七年信有諸枉祀王母興浮屠

北燕

天門開光燭庭金龍浮水出猛獸避路行君王獨自中州興  
農桑學校居然備立廟韭町盡恩義何爲百姓兆遷移地震  
山崩示天意一朝爨起由婦人矯絕父子離君臣卻嫌但作  
蕭牆禍難掾龍城宮殿火

講舍諸生連日送花作供詩以志喜



斷盎分陳整復斜居然斗室燦羣葩多慚地主貽名種遂使  
貧兒作富家苜蓿齋荒初絢錦蓬蒿徑暖欲蒸霞牀頭賸有  
餘醅在尙可供人一看花

久旱山齋無水同人又有送水者再用前韻

何來雨細與風斜腸到枯時語不葩但有良朋能致水直教  
久客免思家杯中只令烹新茗天半常愁起晚霞也其淳于  
論斗石性靈重淪眼無花

題鄭板橋樊畫蘭

青州司馬登州守我亦曾爲東海官輸與濰夷前令尹

板橋  
有小

印曰濰  
夷長政成日日畫崇蘭

空谷含芳自有情所南著墨更天成近來不少都梁種可惜

無人爲寫生

陳秀才

恭

過訪山齋并投以詩次韻答之

初冬別五山梁月憶君顏每惜人千里難通水一灣  
自來真是惠且佳莫言還小飲無兼味我葵色正殷

驚座名傳久

時

相逢慰此生新詩看日就好句得天成鶴觀松

杉影

追

院雞窗風雨聲懸知歸笠澤一一寫離情

以角黍枇杷餉陳秀才有詩次韻

微物慚持贈酬詩勝報書熟猶乘夏令智豈益窮居住佳節愁  
同客清言藉起予江南重端午喧寂近何如

五日大雨

我從閏月初挈舟來石渚行行及雙店已苦舟淺阻河涸旋

龜坼禽喧絕鳩語偶然飄散絲曾未濕乾土虛煩舉臥石失  
喜見潤礎端二日長至夜半得澍雨雨隨景風來雲似水波  
聚滂沱遂連朝綿延迫重午檐溜聲浪浪庭柯葉滑滑佳節  
值清齋是日以洗目齋食酒肉屏不如正宜謝賓客且復掩門戶亦  
有著屐來相與汲泉煮自維經此節屈指六十五悲歡各殊  
境喧寂亦異所那知老更貧竊笑勞無補衰辭益智糗壽乞  
長命縷坐久滴漸疎霽色明前浦登樓一憑眺新漲渺如許

雨不止

未雨雨何靳旣雨雨不休箕伯日跳盪雲將恣遨遊裁聞淅  
瀝響旋覺滂沱流綿綿亘昏曉汨汨盈渠溝試測溪畔水已  
從隄上浮漁人爭集網估客皆通舟鳴埳憎老鶴扶犁惜疲

牛分明木棉地倏忽新秧稠

土人初以天旱種棉花今皆易而插秧矣

時還縱遐

眺暇卽登層樓樓前高下景望裊次第收微嫌風易滿稟乎  
難久畱昨猶衿絺絺今乃加衣裘倉熱移俄頃變幻煩推求  
我來計五載歲抱暎旱憂天道蓄必通致此良有由但恐淮  
黃閒泛濫伏與秋寄言防河臣先事宜綢繆

### 庭中藤花忽開詩以志異

青條抽蔓葉欹斜雨後無端忽放花想妒安榴蜀葵豔特來  
五月關繁華

### 西堂夜課圖爲陳生

士淳

兄弟題

太邱好門楣人比河東鳳自我來山齋但識伯與仲出入每  
隨肩文章頗殊衆仲也旋登科一鶚雲霄玃伯也采咳蘭膠

庠名亦重季子早修文遺句猶爭諷今展西堂圖三人儼然  
共夜闌色淒迷月寒雲亦凍想見課讀勤常聞曉鐘動旣嗟  
蹤跡分況抱幽明痛薊北與江南離思何繇送難對風雨牀  
好續池塘夢

病中聞雨不寐

連宵困酒露零衣小極由來患中微遠客始知逢病苦衰年  
終覺恃強非百端心事從頭集三月音書到海稀最恨蕭蕭  
簾外雨不教鄉夢暫時歸

虎邱多有埏土爲人像者而陸氏尤工余過吳門數矣未  
暇以爲今春泊舟山下迺償此願夏日山窗無事因紀  
以詩

吾聞殷七七合土形以成又聞楊惠之藝同道子爭繼者數  
劉鑾遺迹傳燕京然皆臻神鬼未嘗肖厥生憑虛易見巧撫  
實難爲精虎邱有陸氏世以其術行予年六十五往來凡幾  
更今春始小住白隄聽賣錫佳景足淹留良辰近清明一日  
棋絕就兩日面目呈就頰旣添毫傳神復點睛相識或經過  
不問知姓名榻堪供偃息衣亦兼雨晴花觚及茗椀一一排  
縱橫須彌納芥子尺櫝欺連薨攜歸示婦子莫不拍手驚謂  
與若翁似且賀行廬營聽之色然喜旋覺心怛怛丈夫當廟  
貌俎豆千秋榮迺作此狡獪焉能爲重輕事雖近游戲人貴  
適性情維摩中有恃

東坡楊惠之維摩像  
詩此叟神完中有恃

彌勒龍可并西岸

得所歸東國休嗤評君着淩煙閣久與瓦礫平

再題鄭板橋畫蘭用前韻

身歷

三朝階七品

板橋又有康熙秀才雍正舉人乾隆進士私印

高才未必定高官此花

曾使君家媚無怪天教性愛蘭

枝枝葉葉總多情人幅何年渲染成入室不嫌相對久空中  
香自靜中生

六月藤花又放一枝供之膽餅復紀以詩

觀蓮無地衆芳頹難得藤花犯暑來卻笑低頭羞見客手扶  
枝葉向餅開

石港荷花今歲無一發者曾上舍

葆淳

家盆荷獨開五枝

置酒花下作

欲問朱華信渺茫。此間獨擅五枝芳。底須皎皎誇初日。卻愛  
亭亭闕曉妝。客有清譚環座聽。主傾宿醖隔年藏。一鉤月墮  
忘歸去。難得今宵是乍涼。

始聞蟬

鳴蜩應五月。中伏始聞蟬。飲潔三霄露。聲沈一樹煙。螳螂防  
偪近。蟋蟀讓居先。但得林亭好。何妨聒醉眠。

六月十三夜陳上舍

廷棟

招集聽漁館

朝朝竹篠締清絲。

十一日葛處士境招飲

高館重開銷暑筵。四面風吹

微雨過。一庭樹蔭雜花妍。幾人能醉中宵酒。有客將乘下水  
船。葛秀才題將往呂四多謝柴門扶杖送。朦朧月又印前川。

六月十五夜對月



老去尤憎暑。終朝但掩關。待看圓月上。稍喜小庭閒。不雨知  
畦病。無風奈樹頑。流螢偏解意。飛去復飛還。

十七夜聽漁館坐月

卻暑竟何地。尋幽此屢經。小亭虛得月。老友少如星。話久渾  
忘倦。吟成若有靈。桔槔中夜急。珍重隔溪聽。

題姚秀才

鵬春

家貧夢買書。圖袁大令。校句也。

物必聚所好好者。又無力遂。因志願賒彌。使精誠積。知君雅  
慕曹氏倉閒居。咄咄愁空囊。獵取已同善。祭獺束修曾乏先。  
投羊數典瀛洲。不忘祖淵源。庭誥兼名父。燎炬常妨劉峻眠。  
緡詩偶契袁宏語。隨園曾記昔年遊。曲室環房竹木幽。圖書  
藏與金石藏。隨園名試問至今無恙不。世間得失皆蕉鹿。君獨

黑甜償所欲指揮忽若擲千金  
恍惚頓教盈萬軸隨園已稱  
文福全後賢詎便輸前賢  
百城南面未須假天祿石渠終結  
緣通神事非怪尺幅殊凡畫坊  
賈泯爭心藝林續佳話叢殘  
我亦購頻頻蟬蝨分明有夙因  
今日卻憐貧更老買書人作  
書人

姜生

靈照

送白蓮

屢采芙蓉贈冰華色更鮮影宜臨月下  
香欲撲尊前早晚紅塵界疑來縞袂仙  
因君憶詩品秋水出天然

月夜對瓶中白蓮素蘭獨飲

澎湃秋聲出樹來纖雲華月共徘徊  
幽香自伴幽人飲絕勝  
山花對酌開

題叢明經

傑

四時行樂圖

人生上壽推期頤百年年各有四時四時樂事難具述可惜  
世多辜負之遇亭大都少閒暇處困又復長嗟咨唯君靜觀  
殊自得自樂那許旁人窺花香鳥語任領畧棋局酒陣隨遷  
移豪情未妨聲伎集幽興亦與清寒宜攬之擷之不能盡造  
物何獨於君私佳境難逢空有願古人已代先成詩丹青苟  
使景長駐坐臥皆可圖常披山中豈無同志侶鄰下況有承  
歡兒結鄰倘許作三老

謂姜秀才槐

橋東便擬添茆茨

客窗雜詠

酬應既良苦炎歊尤所患今年此寄迹長夏常揜關地幽人  
罕至身定神亦閒四圍皆老樹一室如深山衣冠久高閣禮

數亦盡刪

納涼無定處時復移吾牀何以遣白晝唯有探青箱畧同隨  
陰誦一任拚卷忘倦來思枕簟覺後憎蜩蟬雖無北窗風心  
已遊羲皇

蒼然送暮色入夜氣清迥稍嫌數仞牆隔此一輪影出門尋  
皓魄林密又爲梗因作沿溪遊頗耽比鄰境歸來月滿屋不  
煩重引領

我生有花癖客亦投所好紛紛各相貽庭除光四照有時折  
枝來膽瓶插尤妙香因夜轉清色遇日有耀未免福太奢況  
慚無以報

堂前雙梧桐宜此疎雨聲徘徊久聽之可以澹我情哀蟬已

漸歇候蟲迺始鳴未棄劍猶待銀杏實早盈擷之當葵菽笑  
謝農家烹

大風三日夜入樹如湧潮未望孟蘭盆餘炎竟全銷驅蠅得  
淨几然蠟明深宵戶牖延颯爽壺觴恣逍遙暑久涼亦驟盈  
虛理自昭

登樓眺中田稻花白於雪豐年大有象樂意難具說我聞畿  
輔旱又聞河隄決彼民何顛連茲土獨怡悅載詠伐檀詩中  
心蘊如結

中元夜翠雲樓望月

蟾盤未及待中秋先向中元一倚樓可惜樹高遮四面不教  
月早出枝頭

次韻酬陳上舍

邦棟贈別

二老相於我與君五年蹤跡未曾分  
每過谿館邀明月閒共  
山樓倚翠雲遊興忽思登太華  
時陝西當事招主關中講席  
離愁先怕對  
斜曛越禽便向西風去也在南枝憶故羣

次韻酬歐陽同年

贈別

頻年海水浣征衣飢走空憐乞食微  
作客寧嫌獨無偶賴君  
能訂是兼非萍蹤梗迹遙難定  
酒陣歌筵近已稀只有廬陵  
情似昔渭城疊唱送將歸

黃上舍

理

家如臯訪之不值迄未之見也頃忽有詩寄別

作此答之

每向君家過都逢君出遊正思雙履訪又枉一詩投款款辭

中意迢迢望裏愁浮蹤仍易合莫便恨塗脩

西別石港諸生

我來賣魚灣歲歷五寒煥問俗已漸諳論交亦多孰就中二  
三子愛我情尤屬晨昏時過從議論常往復或具酒食邀或  
供花卉簇汎則共蘭舟遊還秉樺燭譚藝必細剖衡文先快  
讀幾忘身是客不啻家有塾閒宜海濱居戀等桑下宿忽然  
因飢驅行將寄遐躅聞者各惆悵尼之殊懇篤畱爭訴官府  
餽想繼粟肉凡諸所籌畫靡不盡委曲臨岐苦分手別淚欲  
盈掬得此誠何修反躬但增慙丈夫志四方諸君皆逸足奮  
當入霄漢鳴可齊鸞鶴豈能長守株毋徒嗟仰屋亨衢終見  
歷明德貴爭助我縱遠游成歸期要亦速

舟望

蕭槭林風不住吹望中秋氣已堪悲野人偏有傾陽意種遍  
荒原黃蜀葵

豆花如雪壓棚低錯雜瓜花黃滿畦羨煞田家此時樂早禾  
晚稼漸收齊

盛觀察

惇崇

有詩寄憶次韻答之

涼風從西來吹落朶雲下君方歷亨衢我久甘驚馬關山入  
望何莽蒼秦中故是歌舞鄉幾時官閣得聚首一卷新詩常  
在口浪跡猶看海島雲離心已挂灞橋柳明知疲乞食其奈  
愁還家尺書遠見招敢惜膏吾車故交況復有諸子雖隔形  
骸知彼已東流清渭可滌塵尊酒待與君論文



平山堂探桂歌

秋光明瑟林木腴故人攜觴招汎湖卻嫌巖谷信偏杳遺蹟  
先往尋歐蘇平山堂下好畱憩居然老桂森喬株早開已憐  
狼藉委晚放乍覺芬芳敷花前坐久有殊契吾無隱爾香聞  
乎夕陽漸下月初上波光一色琉璃鋪嚴城夜禁近來萬扣  
舷而返歌烏烏東船西舫何處匿青天皓魄如人孤我於今  
春屢過此管絃燈火無時無未曾歲月久契濶胡竟喧寂相  
懸殊黜奢崇儉固爲好矯枉過正毋乃拘今不如前後可想  
閒而能樂餘何須一枝金粟折在手對花且共傾壺壺

鴈來紅

枝枝得氣在霜前搖曳西風十錦駢渥赭人同塵外傲還丹

品是地中仙葉嬌直作花光艷秋老偏畱春色妍要博酩酊顏  
惟小飲不堪衰鬢已皤然

八月十四日晚渡江

蒼然暮色翦江行指點收帆鐵甕城黯黯山疑煙裏化團團  
月喜海東生頻搖望眼金蛇閃小滌愁腸綠蟻傾莫惜船頭  
坐風露明朝難定是陰晴

中秋日泊江口遇雨不得遊夜集張司馬

鉉

飲綠山堂

松寮咫尺隔東風聽雨山堂翦燭紅君已遊蹤滿天下我偏

客興阻秋中最憐舊日朋交濶

顧子鶴慶臥病  
鮑子遵他出

難得全家詞

藻工

君妻子  
皆能文

珍重一尊還惜別此來未免太恁恁

女史鮑苴香

之蕙

清娛閣詩題後

笙磬同音卅載和庭階玉樹況交柯望廬且減黃門悼福慧  
人間已占多

大雷書久讀難兄老去尤於詩律精今日從頭展遺卷秋窗  
風雨帶愁聲

自京口歸塗作

不信登臨約都關福分脩江山虛令節風雨促孤舟契濶離  
家念艱難適遠謀將作如何歸又滯動被榜人留

爲張司馬

鉉

題武夷畫卷其弟

峯

所作也

嘗聞武夷景百步輒一移及覽霞客記燦然如列眉幔亭天  
柱間彷彿神遇之其溪曲爲九曲曲通漣漪是真山水窟可  
盡閩越奇或云錢鏐後二子分攸司又云昔蠻俗君長神靈

遺吾友張子同夙負高世姿濟勝既有具摩厓每畱詩黃廬  
與台蕩一一窮險巇今入昇真天恰當春暮時飄然攜笠屐  
撰杖有子隨十日而九雨頗愁少晴曦波澄臺髮鑑嵐濶衣  
袞滋烹點列茗薺招邀雜黃緇往返幾兩月沿途任逶遲歸  
來正薰風榴花照庭墀哲弟擘剡藤長卷丹青施秋窗徐展  
讀使我心曠怡卽此足臥游無勞更驅馳金焦況在眼造物  
於君私

秋千船詞

中秋節後雨綿綿江北人歸興索然忽地晚霞開霽色明燈  
盡舫擁秋千

結束衫裙天半飄歌聲真箇遇雲霄秋風也解畱春信夾岸

垂楊綠未銷

舉國如狂東復西夜深都聚白雲谿青蛾皓齒船頭立似待  
遊人細品題

昨向平山最上層二分月色冷於冰到家始見豐年象人道  
毗陵勝廣陵

子戾

姪學彭校字

亦有生齋集詩卷第二十七